

Giuseppe Furco



Giuseppe Furco nasce a Castellammare Del Golfo il 18 di giugno del 1942, ha sempre abitato a Castellammare del Golfo, sposato con Bambina Giuseppa, dalla quale ha avuto due figli: Mariella e Piero. Nella sua vita ha svolto molti mestieri, amante della natura e degli animali, ha sempre amato scrivere poesie dialettali siciliane, non ha mai pubblicato le sue opere, ha partecipato a concorsi di poesia ottenendo ottimi riconoscimenti.

L' apprizzatu di stu paisi

Eu Amu stu dialettu nostru anticu,
apprezzu la Sicilia 'n ogni locu,
di sta cultura, mi ci sentu amicu,
cca dedicu sti versi e trasu a jocu.

Di sta passioni essennu accarizzatu,
l'amicu Don Pippinu m'ha struitu,
omu di senza e di riguardu amatu,
perciò curria sempri a lu so 'n vitu.

Rara la so muzzina d' omu onestu,
fu comu 'n arvulu 'nzitatu giustu,
chi di li rami c' era fruttu e 'n nestu,
e di li frutti soi ciavuru e gustu!

Stunau la Musa, chianci Scupeddu!
Dunni Caleca ci lassau lu puddu!
Lu mari teni svegliu lu casteddu
grira paisi! Uguali 'un c' è chiù nuddu!

Di quannu Tu lassasti stu pianeta,
la scìa tua fu biniriciuta,
puru di l'aldilà Tu si un pueta,
spissu lu me pinzeri Ti saluta.

Dicu bravu cu appi lu pinzeri,
stampari un libru e farti ricordari,
manchi all' appellu, però ni conceri
la puisia a nui di cuntinuari!

Ricordi principali

Casteddammari, puntu chi stimamu,
chiù tempu passa, chiù strittu tinemu,
la nostra gioventù chi fu e 'n cuntramu
ancora 'ntona l' ecu e la sintemu,
ma si diverti a fari passa manu
versu la vecchiaia chi ora emu
caru emigranti, s' iddu ci pinzamu
quantu ricordi priziusi chiancemu!

Ci stesimu annacati,
o suli o tanti uniti,
di sta vita accittati,
di esperienze struiti,

di li ragazze amati,
ammucciuneddu ziti,
di la scola educati,
su li cosi proibiti,

di li cosi sbagliati,
di li patri sarciti,
ma si resta piccati
sunnu 'n celu scurpiti!
scurpiti 'n celu sempri chiù abbunanti,
ti scrivu un telegramma Onnipotenti
m'ha pirdunari si sugnu 'ntriganti;
si 'n terra 'un veni tu, 'un s'aggiusta nenti.

Tu si lu me pinzeri

Ricordu sempri cu na certa pena,
quannu affacciavi tu, biddizza strana!
Di ddu balconi anticu a dda ghiuttana,
la respiravi iu la tramontana,
sintia la vuci tò, la cantilena,
la sentu ancora puru s'è luntana,
vinisti 'n sonnu, e fu na bella scena
scrivu pinzannu a tia, o paisana!

La risposta dammilla cu piaciri
ti pregu , amuri, nun ti lu scurdari,
si tu facissi finta d' un capiri,
mittissi lu me cori a lu disfari,
ti penzu sempri, mi sentu patiri,
dimmillu chi t' ha veniri a truvare,
st' amuri c'haiu pi tia nun po finiri!
ti vogghiu beni! Chi ci pozzu fari?

La suite sciupata

Splendido il quadro dov' è custodita,
una delle nazioni più adorata,
la sua struttura, di natura scolpita,
rispecchia affascinante e frastagliata,
storica all' universo è la sua vita,
dal mare carezze e dal sole ammirata,
un' opera esemplare e definita,
Dio la benedisse e a noi donata.

Non è un quiz, e nemmeno un mistero,
osserva in geografia com' è reale,
espone un soprannome quest' impero,
prima l' Italia e poi lo stivale,
in guerra mio nonno difese il sentiero
sotto dell' ammiraglio principale
adesso che si accoglie lo straniero,
non c' è offesa, ma sta patria va male.



Nun dura sempri un tempu

Li cosi chi trasmettinu l' amuri
ti restanu cca; 'n funnu 'nta lu cori,
li picciuttanzi, quannu semu 'n ciuri
nun si canusci ancora tanti stori,
c' è l' energia d' arrancicari muri
senza pinzari chi u jornu si mori,
quasi scurdannu chi c' è lu Signuri
lu principali di tutti i valori.

Cancianu tempi, ti trovi distanti,
e porti 'na suffirenza 'nta la menti,
sulu a pinzari chi si n' emigranti,
veni difficili stari contenti,
cu li ricordi, l' affetti mancanti,
lu primu amuri, l' appuntamenti,
ogni paisi è un veru amanti
eppuru c' è cu sparra malamenti .

la vita è violu, 'n contri occhi spina,
prima c'arrivi 'nta li to stratuna
tantu apparatu visti 'n cartullina
è comu rifiutari na furtuna,
casteddamari, stidda mattutina,
sempri a la vista di nostra Patruna,
la Madonna di li scali, la Divina,
lu binidici, pruteggi e pirduna !

Giuseppe Gerbino



Giuseppe Gerbino nasce a Erice, il 3 settembre del 1974, vive a Castellammare del Golfo con sua moglie Giusy e suo figlio Vincenzo. Insegnante. È nuova rivelazione nel campo della poesia dialettale. Vice Presidente e socio fondatore dell'A.N.A.P.S. (Ass. Naz. Artisti Poeti Scrittori), responsabile dell'Associazione A.L.A.S.D. JO' per la poesia dialettale per il Comune di Castellammare del Golfo, collabora con il giornale culturale EPUCANOSTRA. Scrive da quando era un bambino con una passione che col tempo lo ha portato a raggiungere lusinghieri risultati. Impulsivo, vulcanico; le sue opere sono state apprezzate e premiate in svariati concorsi e rassegne, infatti, ha conquistato in poco tempo un posto rilevante nel panorama letterario siciliano. Nel 2009 ha pubblicato la sua prima raccolta di poesie siciliane, dal titolo: "ME FRATI ARVULU". Insegue un sogno: quello di valorizzare e diffondere la cultura siciliana.

Lu pagliacciu

Chi ni sapiti viatri d'un pagliacciu,
di la so vita e chiddu chi ha subìtu?!
Pinzati, lu so cori chi è di ghiacciu
e sapi fari sulu 'u scimunitu?

Viditi sulamenti la faciàta,
lu so surrisu sempri disignatu;
l'ammùccia cu 'dda màschira pittata
soccu è chi prova e chiddu chi ha passatu.

Regala lu surrisu a tutti quanti
e puru si lu cori ci fa mali
abballa, canta, ridi e 'nta 'dd'istanti
cumanna la so vita surriàli.

Ma quannu chi la sira poi finisci
di fari lu spittàculu a la fera,
'ddu truccu di la facci ci spirisci
e torna a la so vita, chidda vera.

'Nta lu tiatru, chiddu di la vita,
pi un attimu addiventa spittaturi,
ddà 'n menzu la so facci è 'a chiù pulita
e l'autri genti 'nveci su' l'atturi.

Taliànnuli li squatra ad una ad una
soccu è chi fannu tutti chiddi facci;
si senti sulu, chianci e si n'adduna
chi fora ci su' un saccu di pagliacci.

Vecchiu faru

Comu un culossu, a fari di vardianu,
maistusu, 'nta la punta di lu portu,
pi tutti li vareuzzi di luntanu,
eri un rifirimentu, lu cunfortu.

Parivi, a tipu un patri, chi priatu,
taliànnu a li so' figghi chi su' fora,
li varda d'un piriculu ammucciattu,
cu l'occhi, senza diri 'na palora.

Ora, mi pari comu un vecchiu stancu,
abbuccatizzu 'n capu 'na latàta;
cripiàtu, sculurutu e menzu biancu,
mazziàtu di lu ventu e maticcàta.

Li picciutteddi fannu gran bardòria
jucànnu 'n tunnu. Tu li vidi e taci.
Nun sannu lu valuri, la to storia,
ti prìvanu p'anzina di la paci.

Ti fannu sfergi e pi suvicchiaria
ti disignaru un saccu di pupazza:
ora mi pari un nunnu chi talia
jucari li niputi, e si l'abbrazza.

'Na varca, abbannunata a la diriva,
ricorda 'ddu passatu, ch'era duci,
di quannu, pi turnari a la so riva,
ci stavi tu, chi ci facìvi luci.

Nun sfida chiù lu mari cu lu ventu
nun nesci pi firriàri munnu munnu;
aspetta comu a tia lu so mumentu
chi veni l'unna e si la porta 'n funnu.

Me frati arvulu

Lu jornu d' 'a me nascita, me patri
chiantau 'n campagna un arvulu a signali,
pi ringraziari, 'nzemmula a me matri,
la terra pi st'eventu eccezionali.

Quann'è chi poi criscivi, mi purtau
davanti 'dd'arvuliddu nicu nicu,
a tipu un frati mi lu prisintau:
la gioia chi pruvavi 'un vi la dicu!

Mi dissi: "L'haiu crisciutu comu a tia,
pirdennuci lu tempu e abbivirallu,
si voi chi crisci e lu so fruttu lia
è lu to turnu ora di curallu."

Ed ogni jornu, appena ch'agghiurnava,
partia cuntenti versu 'stu fratuzzu;
c' 'u zappuneddu l'erva ci livava,
ci jittava un catu d'acqua di lu puzzu.

E mi ricordu comu ci parrava,
cuntannuci li gioi e li tristizzi;
poi mi zittia, aspittannu chi mi dava
risposta a tutti quanti li 'ncirtizzi.

E quantu voti poi mi riparau
di l'acqua di lu celu chi chiuvià;
cu li so' frutti duci mi saziau
a l'úmbra di lu sulì chi cucìa.

Criscennu poi la vita ni spartiu!
'Stu frati lu vâ trovu raramenti,
ma ogni vota quannu chi lu viu
ricordu 'ddu passatu, 'ddi mumentì...

Ma quannu chi haiu la testa chi mi svota
mi vâ riparu sutta li so' frunni;
m'abbrazza, mi pruteggi ed ogni vota
mi staiu 'n silenziu ed iddu mi rispunni.



Stidda cadenti

Poviru celu, persi la so stidda,
la chiù lucenti di lu firmamentu;
ci detti un baciù 'nta la so mascidda
e lesta lu lassau 'nta lu turmentu.
Nun ci havi chiù 'dda luci, 'dda faidda
chi alimintava un granni sintimentu;
senza lu so caluri s'arrifridda...
Un lampu, un tronu, è scuru 'nta un mumentu!

Acqua a timpesta, ma nun sta chiuvennu:
su' lacrimi, lu celu sta chiancennu...